



Poño no seu coñecemento que o día 16/12/2021 09:58:00, a Alcaldía ditou a *resolución núm. 2545/2021* que a continuación se transcribe:

“Expte. núm. 2021/G003/002658

**RESOLUCIÓN DA ALCALDÍA. (PEL-REACTIVA20.PEL-REACTIVA SADA. Convocatoria de subvencións para impulsar a actividade económica e o emprego. FONDO DE FINANCIAMENTO PARA A REACTIVACIÓN ECONÓMICA E SOCIAL DA PROVINCIA DA CORUÑA (PEL-REACTIVA).**

Aprobación e pago das axudas correspondentes ás beneficiarias incluídas no Lote 2.2.1.)

**ANTECEDENTES**

1. A resolución provincial 2020/32931 deu aprobación á concesión definitiva das axudas do Fondo de Financiamento para a reactivación económica e social da Provincia da Coruña (PEL-REACTIVA), outorgando ao concello de Sada 226.411,43€ en virtude da adhesión municipal ao fondo
2. Por medio da avocación de competencias a Alcaldía aprobou as bases específicas da convocatoria de axudas do Concello de Sada mediante o decreto núm. 2280/2020 do 29.10.2020, dentro do marco das subvencións provinciais PEL-REACTIVA
3. As bases reguladoras foron publicadas na BDNS. O correspondente extracto foi publicado no BOP da Coruña con data 04.11.2020, dando lugar á apertura do prazo de solicitudes que se prolongou ata o 25.11.2020. A páxina web municipal publicou toda a normativa relacionada, así como as bases específicas
4. A comisión técnica instruíu a tramitación das solicitudes recibidas, consonte ao sinalado na norma 10 das Bases provinciais, reguladoras das axudas PEL-REACTIVA publicadas no BOP da Coruña núm. 128 do 12.08.2020. A comisión realizou a revisión das solicitudes, notificou os requirimentos de emenda, valorou e ordenou a documentación recibida. Este proceso, segundo a citada norma 10 culminou nunha proposta motivada para a resolución de concesión provisional, a cal ditou a Alcaldía mediante o decreto 403/2021 de concesión provisional, na data do 24.02.2020
5. A comisión tramitou as alegacións recibidas tras da notificación da resolución provisional, motivando a proposta de aprobación definitiva. Con data do 12.03.2021 a Alcaldía aprobou a concesión definitiva das axudas (decreto núm. 588/2021). No dito decreto aprobouse a concesión de axuda a un primeiro grupo de solicitudes correctas, pola orde de prelación resultante do proceso de instrución, ata que se esgotou o orzamento inicial. A Alcaldía recoñeceu a existencia doutras solicitudes que, aínda que cumprían cos requisitos da convocatoria, quedaron en lista de agarda para o caso de que o Concello conseguise ampliar o orzamento dispoñible
6. O Pleno municipal aprobou unha modificación de crédito para ampliar a achega municipal á convocatoria do PEL-Reactiva Sada, na sesión extraordinaria celebrada na data do 11-03.2021. Ademais, a Alcaldía aprobou mediante o decreto 582/2021 do 12.03.2021 unha ampliación da achega municipal á convocatoria PEL-Reactiva Sada, con base na modificación aprobada previamente polo Pleno Municipal. Como resultado destes dous actos, unha vez que finalizou o prazo de exposición pública da modificación de crédito, o Concello aprobou mediante o decreto de Alcaldía núm. 927/2021 do 30.04.2021 unha concesión definitiva ampliada, na que recoñeceu a axuda a aquelas persoas solicitantes que foran anteriormente incluídas dentro da lista de agarda
7. Os decretos de concesión definitiva descritos deron lugar á apertura de cadanseu prazo de xustificación

Mediante o Código de verificación (CVD) impreso no lateral esquerdo deste documento, pode Vde. verificar a integridade e autenticidade do mesmo na sede electrónica municipal: <https://sede.sada.gal>



8. En canto ao cumprimento dos requisitos de cumprimento tributario, en virtude do art. 24 do Regulamento da Ley General de Subvenciones sobre a simplificación da acreditación do cumprimento de obrigas tributarias e coa Seguridade Social, a presentación da declaración responsable substituíu á comprobación administrativa do cumprimento dos requisitos recollidos na base 4.2 da presente convocatoria. A Tesouraría municipal e a comisión técnica comprobaron a situación tributaria das persoas beneficiarias con carácter previo á aprobación dos pagos
9. A Alcaldía aprobou por medio da resolución núm. 1516/2021 do 7 de xullo (emendada posteriormente mediante o decreto de corrección de erros núm. 1521/2021 de 8 de xullo) o pago das axudas ás persoas beneficiarias con xustificación completa (Lote 1). No mesmo decreto a Alcaldía resolveu requirir unha emenda a algunhas beneficiarias e denegar a axuda a outro grupo de beneficiarias, expresando os motivos correspondentes. O dito decreto apoiouse nun informe previo da comisión técnica e no informe de Intervención JPB166/2021.
10. A tramitación avanzou e a comisión presentou un novo informe que recolleu unha lista de persoas beneficiarias, das incluídas no decreto de resolución definitiva núm. 927/2021, con orzamento ampliado. Dita listaxe formou o Lote 2.1., no que había dúas persoas beneficiarias que cumprían todas as condicións e requisitos agás unha, que debería ser emendada. Tras da proposta da concellería e o informe de fiscalización previa núm. JPB/179/2021, a Alcaldía aprobou o pago da axuda ás persoas beneficiarias incluídas no dito lote e requiriu emenda ás dúas persoas que non completaran a acreditación das obrigas tributarias (decreto núm. 1620/2021).
11. O 31.07.2021 o Concello de Sada presentou ante a Deputación da Coruña a documentación de xustificación da subvención recibida no marco do Fondo de financiamento para a reactivación económica e social da provincia. O importe a xustificar completouse cos pagos mencionados nos antecedentes anteriores.
12. Finalizados os prazos establecidos para emendar os requirimentos efectuados nos decretos de aprobación dos Lotes 1 e 2.1., tras pasar a revisión dos Servizos Económicos municipais, procedeuse á aprobación de cadanseu decreto de aprobación ou denegación (Lote 1.1 e Lote 2.1.1).
13. Unha vez rematada a tramitación da fase de xustificación das beneficiarias restantes, a comisión técnica presentou un informe no que se recolleron todos os casos restantes no expediente. Despois da proposta da Concellería de Promoción Económica e da fiscalización previa (informe JPB315/2021) a Alcaldía ditou a resolución 2396/2021, correspondente ao pago de axudas do Lote 2.2, incluíndo tamén a denegación motivada dalgunhas solicitudes e o requirimento de emenda a algunhas beneficiarias que debían acreditar o correcto cumprimento das obrigas tributarias.
14. O prazo establecido para responder ao requirimento descrito finalizou e os Servizos Económicos municipais revisaron a documentación presentada polas persoas interesadas, con resultado positivo, tal como se recolle no informe emitido pola comisión técnica. En consecuencia, a Concellería de Promoción Económica, presentou a proposta para a aprobación e pago das axudas xustificadas.
15. A Intervención municipal emitiu o informe JPB360/2021 no que se sinala que se fiscaliza de conformidade o recoñecemento da obriga para todas as persoas que se propoñen para a probación agás o caso dunha, Jiapan Yu, indicando que a súa solicitude xa fora denegada no decreto núm. 927/2021 de 29 de abril. No informe de Intervención denomínase a este lote como Lote 2.4.
16. Na data do 15.12.2021 apróbase o decreto de corrección de erros, núm. 2542/2021, co que se emenda a situación sinalada no informe de Intervención.

Por todo canto antecede, esta Alcaldía

## RESOLVE:

Mediante o Código de verificación (CVD) impreso no lateral esquerdo deste documento, pode Vde. verificar a integridade e autenticidade do mesmo na sede electrónica municipal: <https://sede.sada.gal>



**Primeiro.-** Aprobar os gastos do Concello que se relacionan na seguinte táboa, correspondentes aos importes de axuda xustificadas por un grupo de beneficiarias da convocatoria PEL-Reactiva, que foron requiridas pola resolución segunda do decreto 2396/2021 e que forman o Lote 2.2.1 desta convocatoria de axudas, recoñecendo a obriga por importe de 17.929,18 € con cargo á aplicación orzamentaria 439.47900.

EXP.	INTERESADO GRUPO I	DNI/CIF	IMPORTE
350	KARINA GISELA GAGO VAIARELLI	***9606**	1.500,00 €
374	JOSÉ RAMÓN BECERRA ILLANES	***3687**	484,69 €
394	ISMAEL MARCOS CIVES	***2111**	253,92 €
435	ANDRÉS PREGO CASTELOS	***2691**	1.255,83 €
410	ERIKA CAMBRE CHANS	***0193**	1.500,00 €
500	ANTONIO CID CID	***1382**	1.500,00 €
537	LORETO FERNÁNDEZ GETINO RODRÍGUEZ	***5795**	1.264,74 €
665	ANA SERANTES SOMORROSTRO	***5215**	1.170,00 €
EXP.	INTERESADO GRUPO II	DNI/CIF	IMPORTE
689	GONSUAROPA S.L.	B15746449	1.500,00 €
EXP.	INTERESADO GRUPO III	DNI/CIF	IMPORTE
485	GARCÍA ÍNSUA ELECTRICIDAD S.L.	B15686587	2.500,00 €
421	VASIL TODOROV IVANOV	***4419**	2.500,00 €

LOTE 2.2.1	IMPORTE XUSTIFICADO:	15.429,18 €
------------	----------------------	-------------

**Segundo.-** Publicar esta resolución no taboleiro da sede electrónica municipal ([sede.sada.gal](http://sede.sada.gal)) e na páxina web municipal e cumprir así os efectos da notificación colectiva de todas as persoas e entidades interesadas, de acordo co artigo 45.1.b) da Lei 39/2015, do 1 de outubro, do Procedemento Administrativo Común das Administracións Públicas e consonte ao establecido no punto 11 das bases reguladoras.

**Terceiro.-** Ordenar á Tesouraría municipal o pagamento das axudas aprobadas.

**Cuarto.-** Contra esta resolución, que pon fin á vía administrativa, as persoas interesadas poderán interpoñer, con carácter potestativo, recurso de reposición perante o órgano que a ditou, no prazo dun mes contado desde o día seguinte ao de recepción desta notificación, ou ben interpoñer directamente recurso contencioso-administrativo perante os Xulgados do contencioso-administrativo de A Coruña, durante o prazo de dous meses contados a partir do día seguinte ao de recepción desta notificación. En caso de interpoñer o recurso de reposición potestativo, non poderá interpoñerse recurso contencioso-administrativo ata que aquel sexa resolto expresamente ou se produza a súa desestimación por silencio,

Mediante o Código de verificación (CVD) impreso no lateral esquerdo deste documento, pode Vde. verificar a integridade e autenticidade do mesmo na sede electrónica municipal: <https://sede.sada.gal>



CONCELLO  
DE  
SADA  
(A CORUÑA)

transcorrido un mes desde a súa interposición sen resolución expresa. Non obstante, as interesadas poderán exercitar calquera outro recurso que estimen pertinente.”

O que traslado a vostede para o seu coñecemento e efectos procedentes.  
Sada, xoves 16 de decembro de 2021.- O Secretario acctal. que asina á marxe.

**A Coruña**